



UNIVERSITÄTS-
BIBLIOTHEK
PADERBORN

Universitätsbibliothek Paderborn

Lilivm Inter Spinis

Sterre, Jean Chrysostome van der

Antverpiæ, 1627

Cap. XXXI. Irreuerentia cuiusdam erga sacras Reliquias diunitus punitur.

urn:nbn:de:hbz:466:1-43032

CAPVT XXXI.

Irreuerentia cuiusdam erga sacras Reliquias diuinitus punitur.

SVB idem tempus, ad quamdam bonę deuotionis Matronam, in quodam castellum intrauerat IOSEPH noster; vt saluaret eamdem, quam pro deuotionis opinione, & ministerij sedulitate (quod religiosis exhibere consuevit) admodum familiariter diligebat. Allata fuerant illuc duo capita Virginum beatarum: quę apud eam in scrinio seruabatur. Quod cum (nescio quo casu) fuisset positum super terram; quidam in oculis IOSEPH, nullam exhibens sacratis Reliquijs reuerentiam, super illud non timuit residere. Vidēs dilector Virginum sacratarum, talem ipsis exhiberi contemptum, zelo zelatus est nimio pro dilectis; & (sicut ipse nobis in iucunditate spiritus recitare solebat) totus intrinsecus igne

igne indignationis exarsit; concupitque, ut ea ultio contemptorem Virginum sequeretur, qua vefanus beati Martini contemptor, sella conflante sub eo, sancto Viro assurgere cogebatur. Mirum in modum, effectus continuo beati Viri desiderium est secutus, illo zeli ardore (quem tacite gerebat in pectore indignanti) in contumacis posteriora fessoris mirabiliter transeunte; quem ille non ferens, cum festinatione exsilijt, causam tam subiti, quem senserat, ardoris ignorans: quam tamen beato Viro referente cognouit; nequaquam tamen sibi, sed sacrarum Virginum meritis, hanc eo attribuente vindictam. Qualem, putamus, ardorem timebimus, qui nec Sanctorum Reliquiis, nec locis sacratis, imò nec ipsi Sancto sanctorum in Ecclesia vel in Choro, vel coram Altari reuerentiam exhibemus; indignantibus nobis sanctis Angelis, sacrorum locorum custodibus, & maxime

Ultio diuina in sacrarum Reliquiarum contemptorem.

ximè circa Corpus Dominicum, imò circa ipsum Dominum deuotas & reuerendas excubias celebrantibus? Indignantur nobis proculdubio, indignantur, quoties nos sancta altaria, vana cogitando, negligentius inclinando, Dominum non orando & honorando, viderint pertransire.

CAPVT XXXII.

Quomodo in raptu viderit pulchritudinem creaturarum.

IN quotidianis laborantem tribulationibus seruum suum Dominus mœstorum consolatio, laborantium fortitudo, multiplicibus consolationibus, tum per creaturas suas, tum per semetipsum, confortare decreuit. Et quidem de consolationibus, quas illi per præfatas factas Virgines ministrauit, paucissima hæc mihi comperta sunt, quæ per hoc scriptum memoriæ commendavi: supersunt autem multa
G valdè,